

190 71
DEO OPTIMO MAXIMO
UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA*.

QUOD LIBETARIIS DISPUTATIONIBUS

manè discutienda in Scholis Medicorum, die Jovis decimā-
tertiā mensis Decembris Anno Domini M. DCC. LXXXI.

M. JOANNE-BAPTISTA-ALEXANDRO MAIGRET,
Doctore Medico, Præside.

An pro distinctis agris, agritudines diversæ?

I.

DEMOCRITUS ab Heraclito, si personā distinguitur; specie tamen non differt. Uterque, Homo: corpore pariter & animā constat; vultu licet, aut corporis habitu, diversus. Mortalis, quid intersit mortali, non omnes callent. Alterum ab altero ex facie inter-noscere, cuius vel bardo promptum. Quod ad communem omnium naturam pertinet, assequi etiam potest vel mediocriter eruditus; singulorum verò propriam intropiscere, pervidere, omnique ex parte exploratam habere constitutionem, ne quidem factus ad unguem Medicus. Vulpeculæ parū ab similes, lambimus vitreum vas, pul-tem haud attingimus. Expediat aliquis, ex quo, sedentibus in concilio cordatis viris, tanta sit de re unā, opinionum disjunctio? Unde, tam varii palati convivæ, tam diversa expectant edulia? Quamobrem, alii carnes, pisces alii, nonnulli vinum tantoperè oderint; dūm liquoris hujus capti dulcedine plurimi, non aliam vitæ voluptatem esse putant? Cur, iste ad casei, hic ad leporis, ille ad rosæ conspectum, cohorrescat, atque contrahatur? Quā vi, senem hunc vehementer oedō urit æstus Cupidinis; in quo, adolescens ille, florentis etfi ætatis & corporis, omnino friget? Quā de causā, huic sint lachrymæ, doloris ac misericordiæ testes; illi autem, risus & hilaritatis? Tot, tamque dissidentium effectuum eadem, quæ sanitatis, & morborum, causa; simplicium videlicet corporis partium dispositio mechanica; organicarum certa conformatio; determinata omnium functio; con-sociatio, unio, conspiratioque singularis.

* Antonius FERREIN, Auctor, ann. 1738.

MUNDUS, ut & homo, ineluctabili naturæ legi obtemperat. Utrique sui natales, progressus, senectus; uterque *quaterniorum*, seu tempestatum anni, vim experitur. In homine pax, bellum, induciæ. Triplex enim, ad mentem veterum, status hominis considerandus venit; sanus nempe, neuter & morbosus: quibus tota continetur ars medica. In statu sano, pax: si nimis non perfectus. In perfectio, mora difficilis: receditur, si non proceditur. Hinc patet periculis *utitur*. In neutro induciæ. In morboſo, bellum. Morbi, fatales à natura leges quamvis habeant, ita tamen pro distinctione personarum à se invicem dissentiant, ut morbum, in omnibus, alteri morbo similem reperire arduum sit, ne dicam impossibile. Quemadmodum è paucis numero litteris diversissimè compositis, ingens nascitur vocabulorum multitudo; sic è simplicissimis partium corporis, vel solidarum staminibus, vel fluidarum moleculis, vario modo inter se, aut contortis, aut permixtis, tot, tamque dispares emergunt hominum constitutiones ac temperies, quot & quàm diversæ facies eorundem, aut formæ discernuntur. Ab hæc intimâ & peculiari unius cujusque naturâ repetendi sunt effectus multiplices, quos tamen admirari aliquatenus facilius, quàm enodare. Nec aliunde profectò est, quòd nunc mas; nunc scemina prodeat in vitæ scenam; quòd natorum etiam eadem horâ, & geminorum sanitas ingeniumque aded discrepent; quòd stabilis constantque sit unius valetudo; alterius prorsus vitrea, æquè splendens, ac fragilis; quòd quibusdam nihil in victu delinquentibus, angustioris vitæ sosculus decurrat quàm celerimè; aliis diutius, etsi perturbatè, in vitâ manentibus; quòd venientes ac recedentes anni, multa secum ferant commoda, vel incommoda.

III.

AB eodem constitutionis, ac temperiei fonte, morbi trahunt originem. Par sanitatis & aggritudinum ratio. Quilibet mortalis, quem totum à nativitate morbum esse pronuntiavit *Hippocrates*, bellum continuò fovet intestinum: id alunt res naturales & non naturales. Hinc, juxta neotericos aliquot, morbus parùm à sanitate distat. In utroque scilicet statu laborat natura, nititurque, vel quod noxium est foràs expellere, vel quod est devium, ad recti normam revocare. Calor aut motus, qui vitæ genitor fuit atque conservator, author fit & necis. Sanus igitur dicendus homo, ubi minoribus urgetur œrumnis ac miseriis; ægrotare verò, cum, vel temperiei, vel conformationis, vel solutionis continui vitio quodam gravissimo detinetur. Hæc tria vulgò statuuntur summa morborum genera, à quibus nisi, qui curandum accedit, descendat per subiectos gradus ad infima, sua ipsi ars inanis futura est: quamvis ad manus sint omnia, quibus morbus *naturæ* debet oppugnari, præsidia. Ut planè unus ille sanos homines perspectos habet, cui, quid commune sit omnibus, quidque proprium singulis, penitus notum

est; ità, is tantùm eximiè medentis personam sustinet, qui communem ac totam morbi cujusque notionem, insupèrque singularia illa, quæ in nullum alium hominem convenire possunt, gerit in animo consignata. Quot præterea modis inter se variant ægritudines, ratione sexus, ætatis, conditionis, regionis, anni tempestatis; consuetudine ac vivendi genere; aliisve innumerabilibus adjunctis, quibus animalis oeconomia multifariam alterari valet atque labefactari?

I V.

PATHOLOGIÆ prima pars, morborum differentias præsertim investigat. Mirum sanè, quot ab authoribus generales inventæ fuerint pravorum affectuum classes, ad quas, læsiones quassibet singulorum referri posse judicaverant. At ægritudinum sive naturam aut essentiam, sive proprietates aut accidentia perpenderit attentius, nonne morbos, speciei quantumvis ejusdem, longè multumque inter se discriminari fateberis? Quàm difficilis enim est, quàm lubrica & operosa similitudinum, peritis etiam imponentium, aut dissimilitudinum intelligentia? Vis illud, in apertam lucem vocatum, antè oculos tibi statuere? Latè fufum febris nomen, (ut indè specimen capiatur,) sit licet ad eam, quæ quarto quoque torret die, contrèfactum; adhuc vana est imago morbi, cujus mille discrimina: quapropter cave de illius moribus, exitu, & curatione quidquam ante proferas, quàm liqueat, sit domesticus, nec ne; quâ parte anni, quâ ratione degentem corripuerit; tenuis an firmæ valetudinis hominem, puerum, juvenem annosumve senem; marem, an foeminam: hancque, gravidam, puerperam, vel intactam; illum, gracilem, an obesum; otio dissucentem, an curis, aut labore confectum exerceat; quo sub cælo is natus,eductusque sit; quale solum calcer; quem ore ducat aërem; quibus se pascat cibus; an hos, aut illos appetat, vel nullos. Neque hic consistendum: ipsa quippe, quæ febrem circumstant mala, ejus quoque produnt ingenium; scire ut permagni referat, paucarum sit, an multarum horarum; sub cæ ne integra sint, an corrupta, aut effæta viscera; num vomitus, tussisque ægrum quatiant; fusior sit, subsistat ne alvus; adsint sitis, sudor, vigiliæ; an contrà, veterinus occupet. Quis autem hæc omnia, ut in hominum genus universum cadere queant, nullo non variari in corpore, negaverit?

V.

CUIVIS itaque mortalium, sua ut propria inæoles, suus ut genius; sic & sui morbi. Quàm dispar sanorum constitutio, temperies, & natura; tam dissimiles ægrorum agrotationumque formæ ac species. Quàm multiplex latentium intus fibrillarum, aut humorum conditio, tam varia indè exortorum affectuum ratio. Hinc tantus labor, totque exorbendæ difficultates ritè medendi scientiam professio: ut, nisi hæc singula venetr, & intento animo

cernat, agitet, atque ad invicem comparet, suum cuique malo remedium aptaturus, medici titulum temerè sibi arroget. In ultimas igitur terras exportentur eorum omnium rudes isti homunciones, verius fungi, qui, naturæ quoque totius ignaros homines, sæpius, magnas inter opes, à rectâ mente inopes, perniciosè ludificant: unico adversus qualibet ægitudines nunquam non usi pharmaco. Omnibus enim hominibus, etiam sanis, si non conveniat una eademque vivendi norma: qui, morbis eorumdem curandis, unum idemque remedium tutò poterit accommodari? Cum immo, vel ejusdem speciei distinctas ægitudines, adhibito indiscriminatim specifico, ut aiunt, medicamento, sæpissimè non sanari, quotidianâ constet experienciâ. Non itaque sapiet in rebus medicis; nisi qui primum, consideraverit hominem intus & in cutè; dein, quanta sit in eo, ex ætate, sexu, habitu, educatione, statu, exercitiis, solo, victu, regione, varietas, postea, quàm diversis pravorum affectuum, tum corporis, tum animi, generibus is oppugnetur; ac tandem, nobiscum concluderit:

Ergò, pro distinctis agris, ægitudines diversa.

DOMINI DOCTORES DISPUTATURI.

M. Carol.-Nicolaus D'ES- LON, Serenissimi Comitiss Atracbatum Medidus or- dinarius.	M. Ludovicus - Claudius GUILBERT, è Societate Medicâ Edimburgensi, anticus Regis exerci- tium Medicus ordina- rius.	M. Edmundus - Thomas MOREAU.
M. Anton.-Joann.-Baptist. Maclovius GUENET.	M. Edmundus - Claudius BOURRU.	M. Ludovicus-Petrus-Fel- ix-Renatus LE THIEUL- LIER, antiquus Facul- tatis Decanus,
M. Paulus - Gabriel LE PREUX.	M. Joannes-Anton. ELIE DE LA POTERIE, an- tiquus Regis in Portu Brestensi Medicus, nec non Militarium Regni, Nosocomiorum Inspector.	M. Petrus - Maria MA- LOET, Eques, in Sacro Consistorio Regis, Sena- tor; Augustissimarum Galliarum Principum Regis amitarum natu- minorum Archiater.

Proponerat Parisiis LUDOVICUS-CYPRIANUS DE MONTAIGU,
Trecensis, Saluberr. Facultatis Medicinæ Parisiensis Baccalaureus,
A. R. S. H. 1781. AB HORA OCTAVA AD MERIDIEM.

Typis QUILLAU, Universit. & Facultatis Medicinæ Typographi 1781.